

# Hospital ta pidi patientnan pa pospone operacion

Dos siman cu "Opname stop" den UCI despues di a detecta 3 patient cu MRSA

ORANJESTAD (AAN) – Informacion a yega na redaccion di Matutino DIARIO, cu a descubri e bacteria MRSA na Unidad di Cuido Intensivo di Hospital dr. Horacio Oduber, y relaciona cu esaki nos a acerca PR di HOH sr. Bob Harms, pa sea confirma of nenga e noticia, y en caso positivo pa sa ki pasonan nan lo bay tuma pa salvaguardia e pacient.

Bob Harms a menciona cu HOH tin un maneho masha riguroso ta hiba pa evita e bacteria MRSA den Hospital, y testnan cu nan a haci a bin saca afo cu actualmente tin tres persona den UCI cu a responde positivamente riba e testnan.

Un di nan ta pacient cu tin un herida habri cu ta infecta cu MRSA, ken aworaki ta riba e machine pa haya rosea artificial, pero no ta door di esaki el a haya e infeccion sino cu el a drenta hospital cune. E pruebanan a determina cu tin dos pacient mas interna den e mesun seccion cu tin e bacteria den nanishi y garganta.

"A base di esey, Hospital a tuma mesora e medida pa pone loka nos ta yama un 'opname stop', kiermen un paro pa tuma hende den unidad di cuido intensivo, si no ta casonan di suma urgencia.

Por ehemplo, nos ta pidiendo tur persona cu tin cu haci un operacion grandi y cu despues di e tipo di operacion asina mester bin den cuido

intensivo, pa postpone e operacion cu un periodo di dos siman, te caminda medicamento esaki posible. Tambe ta asina cu personanan cu tin cu drenta cu otro indicacionnan na nos departamento di cuido intensivo, p.e. problemanan coronario, pa tuma nan den otro seccion cu nos tin. Asina nos ta purba di contene e brote manera e ta aworaki, den e departamento ey so, di moda cu nos por sigui cu e operacion normal di hospital", Harms a splica.

Señor Bob Harms a sigui bisa cu si por ehemplo, un persona haya un accidente grave y e mester worde interna den Unidad di Cuido Intensivo, den e caso aki e ta worde hospitaliza pero claro, tumando tur e medidanan necesario pa evita cu e ta worde infecta cu e bacteria MRSA.

Pero pacientnan cu por worde ubica den otro seccion di hos-



pital y cu tog e por haya e cuido intensivo cu e mester, esaki ta worde haci.

Bob Harms a reitera: "Manera nos a splica caba nos ta pidiendo pacientnan cu tin cu haci un of otro tratamiento y cu despues di esaki mester worde interna na cuido intensivo, pa postpone e intervencion ey te na momento cu nos tin e situacion na nos UCI completamente bao di control!"

El a bolbe bisa cu Hospital a duna su mes un periodo di dos siman pa elimina cualkier foco di MRSA cu tin den UCI. Harms a subraya cu esaki ta un bacteria cu ta presente den tur hospital, y no ta cuestion cu ta na nos hospital so.

"Simplemente tin biaha sa tin condicionnan cu e ta brota y ta plama di un pacient pa otro, y den tipo di casonan asina

for di momento cu bo haya e prome indicacionnan, bo tin cu tuma e medidanan necesario. Den nos departamento di higiene di Hospital, mesora cu nan a tuma nota di e prome indicio di infeccion di MRSA, a tuma e medidanan necesario pa evita pa e plama pa e demas seccionnan, y nos contene caminda cu e ta aworaki", sr. Harms a remarca.

## Ban yuda un dama cu un shimis di bruid

ORANJESTAD (AAN): Un dama den necesidad ta bay casa, y un suplica ta bay na pueblo pa yude. E mester di shimis di bruid size 12.


Esnan cu por tin esaki, ta ser suplica pa yama Fundacion Amor pa

Prohimo.

Tambe nan ta buscando dos colchon di 1 persona. Por favor trece uno den bon condicion.

Fundacion Amor pa Prohimo ta worde haya na 568-4739 of 564-8849.

## LEY PA UN LEY PA TUR!!



**BEST DEAL**

Tel: 5827100

(Pariba di Aruba Bank, Paradera)

**BEST SHOPPING DEAL**

Turibana Plaza

Tel: 5865455



**ABS King Pro**  
Antes Afl. 300,=  
Awor Afl. 199,=